











Digitized by the Internet Archive
in 2009 with funding from
Ontario Council of University Libraries

小雅樓詩集卷四

順德 鄧



五言律詩

客裏

客裏吟身寄天涯
食指思功名負銅鼓
風土憶離支曉雨
春申國殘秋祭酒
祠無人稱處土黃
祖至今悲

江上無俚戲仿太白體卽事成詠

春水碧於煙綠楊三月天
流鶯嘯意外白鷺到尊前
小閣看雲坐空江聽雨眠
夢魂飛不去七十幾灣邊

聽雨

小樓滿黃葉疏雨思悠悠鼓溼更頻錯鐙昏夢欲畱溪
雲涼入曉山月澹成秋一夜石牀冷梧桐滴客愁

不寐

倦客初明感詩人杜甫悲相思空寄子本事漫題詞暮
雨移茶竈秋星照酒卮不眠天又曙淒絕亂鴉時

裁衣曲

怕聽雙鳥喚紉緘靜掩扉淚痕刀尺染心事藁砧違素
練清霜怨紅鐙夜雨祈玉關誰寄遠滿道雪霏霏

梅

細雨關山路江南兩度梅真成道旁折復傷戰場開雪裏行舟泊春前驛使來垂垂花白發歲暮有人哀

春暮舍壁書感

不信黃江夏無雙負此身落花隨逝水多病到征人酒味重樓雨茶香二月春悵悵平晝感爲客復長貧

京口舟中作二首

客行猶未已星夜尙孤征海日沈高壘江潮上故城旌旗司馬渡烽火佛狸兵胡羯茫茫恨臨江涕一橫

一水趨京口重陽過秣陵寒山逢暮騎舊國見秋鐙人
事驚畱滯皇靈感廢興蒼涼懷古意來問六朝僧

有感

已失登州險王師始進征風濤臨渤海雨雪閉萊城大
夏猶爭地中原未厭兵如聞招老將早晚渡江行

去滬城十首

萬馬關山月孤舟草莽臣故鄉三徑地人事五湖身北
海原憂漢東園莫隱秦夔龍飛不久蹶躅暫風塵

萬古蛟鼉宅何年海市開上游彝夏界東海鼓鼙哀出

使焉支傳論才碣石臺幾人條貴粟北渡濟時來

珠履三千客黃巾十萬軍桃源曾避亂草澤舊平氛
鎧甲諸番騎椎埋惡少羣洋涇尋廢壘人說合肥勳

源裏王圻宅江前季廸家我來問漁父人去見梅花
舊館生春水孤邨入暮霞招魂楊老鐵哀怨起琵琶

積浸通無極飛樓控大荒王融盛門第欒大自官商
土俗彝風雜炎涼世味嘗盤龍江上水清淺幾滄桑

說劒今無限誰論仁義兵干戈猶越石脣舌且君卿
吾道能憂樂時人薄性情蘭陵昔祭酒悵望不同生

淞海青天外淞城赤日邊
颿檣黃歇浦風雨水仙船
拓邏千營月燒原萬竈煙
安危吾敢料州郡近稱賢

苦乏樓船將東陲繫帝思
秋江飲馬處遼海用兵時
關內無驍騎山中有義旗
猶聞前出塞殷浩竟難支

今日論風月江南第一城
鉛華鬪孫壽絲管感花卿
海漲春魂蝕天篩淚點傾
千家都教曲不唱潁川行

潁川將軍

行記陳化成殉難事
近人蔣敦復作也

生世同流寓時艱費卜尻
有天容叩問無地賦馳驅
銅柱家千里金星海一隅
澄清吾有志攬轡獨躊躇

甲午季冬乘番舶南歸小泊汕頭二首

馬嶼黃塵外，鼉江赤日西。
人煙通百越，兵嘯憶三齊。
志事休王粲，功名有范蠡。
橫流歎滄海，何地覓鹽齏。

近阻中原信，初看故國濤。
海防諸吏重，家食隔旬勞。
一水趨閩急，羣山入粵高。
舟人夜吹笛，風打浪滔滔。

海夕

水闊夕陽遲，船樓弄釣絲。
鰲睛隨月上，鯨背似山移。
黃海猶兵燹，青年易酒悲。
芒芒懷洗馬，何似渡江時。

南海神祠

頌祭唐天寶遺基漢水師魚龍三殿抱風雨百靈趨蠱
血青銅鼓鴻文碧玉碑

白沙號碧玉老人

飛車如可駕鞭日起

咸池

交州望春二首

未罷沿江守交州春已旋
鳶飛青草瘴龍起黑雲天
胡禍無中策邊防失百年
愁來何處遂吹綠海門煙
郡郭羣山大煙燉四野昏
高風楊子宅斷井呂嘉門
日落殘兵醉林開瘦馬奔
盧循血戰處獨浪有驚魂

聞遂

三月珠江水春潮落杏花何人吹玉簫聲在月中搓錦
幕將軍壘青山少婦家淒清聽不得烽火起龍沙

春日同寶君汎舟花埭懷張南山二首

來汎珠江耀先生憶釣游三家開五嶺二子繼千秋買

酒南園社看山北郭樓松廬今已廢舊事問漁舟

先生聽松

園舊址今
盡蕪沒

循吏能無媿詞人亦可期生平行卷在名字遠方知老
屋斜陽地春江淥水時埭頭花落遍誰譜唱霞詩

登樓

星斗落春山登樓人未還鶴聲風入海鵝噪雨臨關鐵
甲江邊戍銀燭馬上頒南人足戰守長堡昔平蠻

自滬上歸初值寒食

高館逢寒食窮陰尙閉關海濤浮大地江雨入諸蠻弟
妹依黃浦清明負碧山書來煩祭掃知道幾時還

雨

飄泊時多難蕭條雨送春南歸原是客北伐竟無人高
館鶯聲靜荒江柳色新愁來歌更哭源谷謝秦民

邑城

沙白門人壘山蒼義士墳荒祠三月雨古縣一城雲衢
路來私祭旌旗壯舊聞伏波橋下水曾此沒鄉軍

寶漢茶寮題壁

黃土佳人感前朝廿四孃玉環畱錦韉鉤弋斷殘香碧
血成朝露蒼山駐夕陽舊時三角市斜外月如霜

客感

孤櫂潺湲裏四山惟落暉粵江尙行役遼海已重圍積
血刀生瘳閒身馬助威中原有劉石黃口壯心違

永清門舟夜

城上斗闌干遙遙戍鼓殘海聲週郡大山氣壓江寒歧
路懸家累荒年減客餐高樓有思婦此夜想憑欄

思舊遊

杜若滿滄洲佳人生綺愁鐘斜霜悄悄葉下水悠悠海
榭茶香晚山樓佛火秋白蓮涇口路愁殺小童謳

重九

九日菊花白小樓微有霜乾坤百戰地湖海少年場客
舍生秋草江城易夕陽有懷殊未遂余志在浮湘

接家人書

忽憶家人遠鄉
旣亦客旣吳中垂老父海外數來書寄
我秋風味松江巨口魚張翰意無限對食一歛歔

雨夜

一雨草蟲鳴荒雞夜二更四休虛事業十上謝功名古
月寒金塔秋雲鬱甕城中原誰致力新灋媿蒼生

管輅別傳

雞一二更鳴者爲荒雞

木落

木落海鴻愁颿歸天外舟江流四更月星照萬家秋黑
鬢看時輩青山笑蚤遊越華樓下路荊棘古名州

江夜

白白霜飛野蒼蒼星出林讀書時事拙看鏡客懷深月
黑魚龍睡風高鴻雁吟萬山青蒼莽無限故鄉心

縣舟

海天日又暝海客路猶難赤地遼江盡蒼山汕水寒縣
舟萬里遠候火九真安苦憶澎湖戰邊風吹夜闌

丙申傷春八首

海氣連城霧春陰殷地笳郊原鬪豺虎風雨混龍蛇嶺
外珠官使江南玉樹花驚心商女曲一醉又天涯

老屋蟾垣暗荒江蜃市寒孤生爲客蚤一策報時難夜
漲重溟動春星大地蟠陰符宵讀遍獨起望長安

江天忽已暝蕭瑟上危城佛火樓臺暮人煙水草晴南
陽卧龍客東海義烏兵莽莽波蘭國時聞鉦鼓鳴

去歲傳新約朝廷國命尊黑山通頡利青海誤烏孫

燕騎覘南道胡雛筦北門窺邊有苻健惆悵石安原

九塞黃龍府諸酋白馬盟卅人增稅監將作戍黥兵金
礦東西嶺關山一萬程燕歌吟未已回首帝王京

陰風動萬里立馬見蓬萊國事東隅失屯兵北牧來龍

媒秋草塞虎旅夕陽臺一片田橫島茫茫割據才
復得中原信西征息鼓笳春耕連白骨土戍入黃沙古
國秦山冷降城渭水斜近無虞詡輩流涕被兵家
春去落花深西樓三百尋親朋老兵革天地寄登臨愁
病思鄉夢艱危戀闕心黑龍江北道昨夜海靈吟

初十日滬上家人小飲

十口三江地孤舟百戰年杯盤仍弟妹花鳥又山川暖
閣梅殘夜江船雪霽天南轅無幾日暫醉試鐙前

吳淞口汎舟同實君

雞鳴一舟去冷雪夜漫漫客路行
滕怯春濤戰艦殘孤
城臨海小萬馬飲江寒近說吳淞口西人又築壇

有送

細雨一杯酒野花飛客途東風動人柳幾日到姑蘇
華髮作孤客綠春生五湖如尋賃春客爲過伯通廬

二月十九日輪舶復南歸舟夕不寐百感橫集

書此投海

北國三春戍南洋萬里濤諸番求內地大將出臨洮
騰水蠓江盡荒山虎嶼高綠林猶聚嘯窮海夢魂勞

同作

鄧 實

世亂人歸去遙聞鼓角悲南洋議守地西隴用兵時
草木荒城暗煙雲大野垂一身寄孤舶夕浪任安危
水闊多風雨窮陰萬里連海沈星使節春冷水師船
身世悲生日乾坤入舊年故園餘骨月貧極已無田
舟行望定海諸山

朝暉出水閒倒照普陀山煙影搖諸夏風濤入百蠻海
防金鎖鑰山勢玉連環忽憶蛟門戰樓船人啟關

舟過閩境憶臺灣

蒼山幾百里暮靄碧茫茫重鎖金門所歸駟黑嶼洋水
花飛海馬人影傷天狼指點臺灣境殘軍淚兩行

夜入香港

人聲滿江月吹鼙夜停舟水黑春濤闊風高曉角遁飄
檣紅海客燈火碧山樓忽下南洋涕經營尙五洲

汲水門

雨急晝冥冥浪花天半腥濤含魚沫黑山近虎頭青邊
事西人電關防上將星稅錢三百萬潑酒弔南溟

過零丁洋書八句投之

誓師下丞相洗甲渡完顏嶺海春無主君臣夜叩關烏
飛看舊郡龍戰哭殘山人說風雲外迷茫隊馬還

待潮小駐

暮色海天闊蛋人橫遂枝煙波仍客路身世誤歸期夜
火樓臺地荒山雁驚陂雞鳴還起淀磊落見參旗

南入廣州

竹枝歌起處細雨入交州蜃氣蒸山堞蠻雲結海樓屠
沽尋死士兵火託孤舟重海貂裘敝吾思馬少遊

粵秀山懷古

廣州城北嶺故址越王臺兒女雄風盡雲山王氣來晚
煙芳草冷春雨杜鵑哀一片南強國佗劉亦霸才

永清門市閣

落日上江樓春雲滿廣州丹陽羣越動滌海大軍畱古
郡開平楚蠻山入亂流誰知吳市下看劒有邊愁

予與實君兄南歸畱四弟在滬人來日以詩寄
之

爾客春申浦江湖各側身梅花五嶺夢春草六朝人吳
語憐嬌妹鄉心慰老親嗟予同越鳥淒斷向征塵

海珠值雨夜宿舟中寄四弟吳江

漁火星星沒人家浦上扁大江沈兔魄殘夜舞魚靈夢
入吳州遠春連楚雨冥歌船爾何苦向曉獨爲醒

漫成

幽思忽不愜高樓風雨斜
閨災仍象郡轉戰尙龍家

五代

史回人別部名雪水調山茗春陰焙
窖花夜聞歸雁去一一向

京華

過梁主事故里

五邑已梁公實風流霄漢間
才名稱歷下浮論付虞山舊

宅春蕪地高樓淥水灣曾聞故老說三十著書還

粵山

粵山不可極風雨日縱橫戰鬪仍羣盜功名且上卿黃
旂邾子國白骨桂林城欲訪監門去愁心逐北旌

恬吟

步月誰開徑當風獨上關新衣過白露故國見青山竈
北清狂滅牆東小隱閒侵尋秋又暮吳使到雲間

菊坡懷崔清獻公

南宋鄉先正歌思故地存四州循吏傳五寨義民屯晚

節黃花愛遺風紫水尊出師前後表老淚望中原

與同學黃四任二家兄實君午出北郭小飲寶

漢茶寮觀馬廿四孃墓券

落木急寥空蒼涼秋色中重城臨粵秀萬嶺導南雄霸
氣殘山紫尻人古柳紅茶寮話金石醕酒向西風

中秋

山城皆不夜明月正中天地白桂無影林空鶴自翩奇
愁千古動秋夢萬家圓應有松陵擢吹簫白石仙

藤邨歸櫂

西風下黃葉海水亦東還落月長鯨醒平原戰馬間掛
颿林岳渡吹角碧江山前路黃昏近牢愁喚小蠻小蠻酒榼
也見白香山詩攜得小蠻來自注

北風草堂夜坐同賓君

起視西斜月虛簷萬象森風聲驅海動寒氣壓星沈大
廈猶支木高臺孰貯金聞雞眠不著腰劒作龍吟

雨中有感

草堂夜多雨雞黍敘浮生國是天難問才人世所輕星
文西海使邊事北原兵多少袁安感胡塵長淚橫

南徐舟中值雨口號

風色一更初鳴榔有夜漁星明飛白雁水急上黃魚倚
篷兵開邏籠鐙客散墟颿旗吹不定驟雨到南徐

送實君南還

斜陽三弄遂滄海萬重關幾日薰風起行人故國還紅
棉任尉院青草漢王山相憶南雲外終朝慘別顏

酬實君見懷之作

萬仞滄溟闊懷君夢亦無詩篇有來往鐙火各江湖入
世同磨蝎歸山託憶鱸時人行樂地賣餅獨羈孤

秋日懷方君

鄧 實

江上生秋水懷人在釣槎西風下木葉秋雨冷蘋花
歲晏愁衣食城荒接鼓笳所嗟吾與汝兵火各天涯
滬上逢實君團聚竟夕次日同北發

聚首逢今夕相看意倍親空令悲喜并始信夢魂真風
雨牀鐙暗池塘草色春語長宵苦短不寐又清晨

出吳淞口

又出吳淞口飄然汎巨槎遙知玉人遠聲隔白蓮花掛
席隨山月吟詩弄海霞今宵有歸夢江介是吾家

黑水洋

拂面水花冷已知黑水洋
石橋秋駕月蟪蛄鼓夜浮霜
島嶼龍腥溼樓臺蜃氣涼
東門不可見夜半日輪光

同作

鄧 實

已及登萊境浪花深百尋
日光紅欲隱蜃氣白逾陰
滄海曾經客重洋百戰心
舟師空北道遙望自悲吟

登州海次

積水幾萬里扁舟天上還
魚脂浮大海龍蛻委荒山
秦月千年在齊煙九點環
何當祠日主銅鼓叩波閒

胸界

萬劫不到處我乘風浪來琅琊在何許日出始皇臺徐
市一舟下秦門兩扇開羣山青合沓想像翠龍迴

泊煙台

欲落煙台日浪花青作堆雲嵐生戶縫樓閣出巖隈積
水鱗堂汨荒山馬市開忽聞番女逐驟雨上峯來

同作

鄧 實

海鐙光不定舟左見煙台列嶼番人屋防秋水將臺
島迴千戶出浪擁萬山來坐棄重洋險中流互市開

塘沽舟中

倚櫂塘沽口殘陽滿畫旂海光浮遠塞秋氣逼深衣水
草黃鰲散江天白雁飛稍聞哀角起沙上露微微

通路亭

新室戰塵平孤亭尙舊名邊雲雕背下野火馬頭生萬
障趨榆海重城背易京停車呼濁酒不柰雨連明

楊邨

瀟灑江南似楊邨積水邊漉金三版艇釀酒萬家田晚
漲浮天外晴山繞馬前客途爭歲月心折雁鴻天

法源寺弔宋謝文節公二首

卽舊憫忠寺

賣卜家何在書成卻聘遲
頭顱丞相塔心事女兒碑
暮雨吟山鬼春花泣子規
淒涼薇蕨盡蕭寺絕糧時
鬼火荒廬暗寒雲古殿重
死生應已定天地况難容
海上餘孤鶴人閒又六龍
夜來燕市月無復奏號鍾

小寓與實君話舊

故國秋鴻斷荒山瘦馬疲
誰知爲客日仍有對牀時
老友黃初盡新盟白社遲
鳳凰無竹實憔悴晚來飢

燕京北門

雁飛日華館木落黃金臺秋氣隨雲到河聲湧地開八
旗屯虎落四野牧龍媒設險王公事閒身只自哀

皋狼鎮

莽蒼盧龍塞揚鞭指舊屯風沙千里白煙日萬山昏驛
路沈邊氣關門上潦痕愁聽敕勒曲烽燧滿中原

塞上

一夜單于遁弓刀萬里秋金風吹馬首白日下牛頭烽
火窺三輔江湖汨九州將軍還射虎不敢望封侯

感書

海國梧桐落滄江鼓角號孤舟懸白日
第誤青袍老
女蛾麋闕將軍馬骨高妻孥休問舌壓綫悔勞勞

都門曉發

忽覺京華夢西風又路歧歌殘三疊曲酒醒五更時曉
色沈孤角霜花落大旗禁城騎馬去心繫柳枝枝

津門旅夜

新月掛城頭征人一宿畱近江魚市晚繞郭酒香秋夜
火臨津渡寒潮上驛樓何家小兒女猶盪采菱舟

發舟

殘月三更墮乘潮出大沽波分見魚脊風起應鵬呼津
市夜沽酒條山人斫鱸今宵銅輦夢應繞帝王都

直沽歸櫂

七十二灣秋孤颿水上浮疏星爭野色一雨壯河流去
國隨鴻雁浮生付白鷗倒罇還一酌歸夢大刀頭

滬瀆雨泊

十里珠簾捲佳人倚笑逢扁舟吹玉簫細雨入吳淞挾
彈聯雕騎徵歌到曉鐘還家堪一醉花發木芙蓉

秋雨書小雅樓壁二首

疏雨滴長夜忽然生暮愁荒江沽酒路衰柳著書樓花
月一生事乾坤兩鬢秋食窮休自笑蟲達魄封侯
紅葉落如水西風獨掩窗殘星懸大野數雁過寒江楊
柳三邊遂葡萄十國腔杜公後出塞何日受番降

滬城晚望

杖箠臨危堞橫江起大風人煙秋草綠海氣夕陽紅泖
漭關河地滄浪瘵病公胡兒獨何事來總自強戎
吳淞口自
強軍教習諸員德人也德軍既
據膠矣若一旦南牧可慮也

無題三首復書小雅樓壁

世味如秋澹愁心入夜濃鶯花成代謝琴筑幾春冬畫
地悲窮海憂天夢九重近來多牧馬射虎隱吳淞

寂寂高昌客遙遙卽墨城讀書今未老斫馬豈無兵海
衛師猶駐膠彎燧忽明無才使絕國慚媿棄繻生

坐論愁蟣蝨幽冗怨鳳凰五洲仍鬪種十口未還鄉晚
蟀吟階石秋苔漬苑牆終當去浮海心事寄菰蔣

小姑山

九派分吳楚波瀾日夜奔山懸窮海影江割大荒痕天
地東南汨星辰上下翻彭郎驚血戰一炬照征魂

望細林山

雲氣晚溶溶青冥萬疊峰西風吹馬首飛落幾芙蓉欲
訪高人去淩虛跨白龍黃昏望不見月上上方鐘

夜起

落葉疑風雨開樓月又明大江流客夢老屋聚秋聲海
色羣鳥語天河一雁橫依依看北斗髣髴是瑤京

雨坐翦淞閣

眾水荒江去重城積雨沈人來故鄉遠花發戰場深牧
馬聞南下胡兵近上林憤時唯抱膝梁父不堪吟

江干

江干收宿雨暮上尉陀城萬戶寒煙溼羣山古壘平扁舟浮瘴海烽火接清明牢落胡銓威威連况用兵

驛舍曉起

春雨五更殘春雲千里寒蒼黎淪瀋水羣盜起長安兵火人心變詩書世事難無能拋寶劍歸伴釣魚灘

郊尻

大野雲垂草殘春樹作花乾坤皆蚌螭身世一龍蛇積水明魚艇孤城隱戍笳馬頭紅日落不忍望京華

東丹陽潘處士

吾愛潘騎省當年獨立君家臨大江
水時入白鷗羣詞曲人間愛風情
海外聞定知班祭酒高卧不從軍

白鷗

白鷗飛不去七十二灣前小閣經秋掩
何人中酒眠清風吹落日疏雨長溪泉
洗鉢僧來往行歌袒右肩

西警言

晚漲東風急遙聞陷北流
臨江呼代景外國餉王鏐日
落城精嘯山高塞長愁
金田如虎踞鐵路接龍州

坐月

坐到中天月危堂氣已深林明白露下凍苦大星沈近
說胭脂失兼聞韃靼侵何時請雪恥梨面盡成禽

謁朱子襄先生祠

鹿洞朱夫子神仙謗不傷史書黃霸傳州里鄭公鄉學
北門人奉天西國命張望廬同父老落日哭山堂

小雅樓詩集卷四終

小雅樓詩集卷五

順德 鄧 方 秋門著

七言律詩

詠懷古蹟八首追和藥亭獨漉喬生諸公

十二峰前秋草多
碧雲無際楚天波
仙人鶴背黃樓遠
客子風懷白雪歌
賈誼文章無宋景
重華哀怨自英娥
人間有福沅湘水
歲歲龍舟一度過

右楚中

黃池爭長尙鳴驕
一夕蘇臺越炬焦
仇怨捐時賢士盡

君臣歸日霸圖銷，青虹劍氣沈秋水。白馬江聲起夜潮，斜日洞庭人去後，栖鳥嘯上錦涇橋。

右吳中

歌風千載有英聲，劉項遺蹤下相城。五丈旌旗臺戲馬，百家琴筑地銷兵。渡江子弟無名老，同里王侯有種生。莫更四方思猛士，中原功狗盡韓彭。

右沛中

蓮花玉女倚瓊簫，笑看神仙送兩朝。長樂暮雲橫太華，上林秋色入中條。銅盤淚冷秋無露，銀海鐙明夜有潮。

黑獺東來青鳥去片雲龍虎氣全銷

右咸陽

龍沙羽檄九邊多豔曲蕭蕭御水波青海秋風嘶玉馬
大業中置馬牧紫泉春雨卧金駝煬帝曾進金駝以媚悅陳氏心肝
青海以求龍種
莫更嗤元秀頭頸應憐付阿麼五行宮蕪沒盡垂楊
猶繞汴都河

右隋宮

武林一水古潺潺二聖環成四勝環天際龍髯沈碧海
井花邊鵲血泣青山將臺寂寞旗旛徹春禁陰岑漏鼓間

又是靖康殘局盡金縉誰遣敵師班

右錢塘

二百年來赤伏符不教正朔委當途河山鼎足三刀郡
風雨飄零六尺孤荆水上游憐入蜀永安東幸失吞吳
幽號顯哭軍中詔降敵譙周未足誅

右蜀中

勝國遺宮白露間南飛雙燕幾年還五王渡馬新開國
諸將從龍舊入關永巷月明悲故劍黃門星夜選歌鬟
春風一曲桃花扇休問江南庾子山

右金陵

家君送胡觀察四川命作

君恩深重久知名
犀帶銀章劍閣行
聽雨梅開金雁驛
看山雪滿錦官城
土彝風尚皆中國
賓從威儀亦漢京
曾否清時無盜賊
依稀張載勒新銘

登龍華寺塔

東風昨夜渡江來
萬樹桃花夾岸開
一片城陰浮海出
三條水色入吳迴
黃沙弔古餘飛雁
玉蘂懷人已落梅
欲喚雲君相勸酒
聲聲法鼓下方催

題吳梅邨集

黃冠蕭索老仙卿
雞犬淮王悵舊盟
絕代詩篇長慶體
晚年詞賦楚騷情
銅駝舊闕餘雙淚
金馬才人誤半生
莫向江關哀庾信
素衣塵迹尙瑤京

閱河東君手鈔詩本二首

再嫁娥麋幾十春
一編零墨不須珍
死遲珉嶠悲才士
生媿君廚惜黨人
野史文章名託附
晚年鐘鼓夢沈淪
可憐東澗歸來後
覆餗依然未死身

石芬風調美何如
尺卷當年紫府儲
紅袖憐才詩博士

黃冠失節老尙書鶯花歲月偷生後文字關河歷劫餘
搖落秋風江上柳琴川何處絳雲旂

舟抵江甯二首

嫋嫋涼風海雁聲行舟西下泝臺城絕裾事業憐溫嶠
麾扇風流屬顧榮百戰河山人大去六朝宮闕月長明
詠懷何限興衰感我亦當時醉步兵

秋高擊槩眺南都滾滾中流接觸臚地勒羣山當采石
江分一水入濡須舊京名士懷朱雀前代雄風數赤烏
太息洛陽青蓋去永嘉南渡亦榛蕪

甲午長江書感二首

寒濤動地大江秋，傳箭移軍鎮上游。
宣武雄兵稱北府，謝元高節建楊州。
魚龍夜雨瓜州鎮，鴻雁清霜海岳樓。
此地由來征戰苦，鼓鼙聲裏使人愁。

舳艫千里上公旌，暮氣湖湘百戰兵。
京口邊歌聲滿幕，鑾江夜角雪連營。
分糧士行臨中渡，拜表元規擬北征。
聞道和龍前出塞，海風宵入鳳凰城。

寄董生

平楚蕭森久雨餘，遙天雲樹悵東湖。
寒沙芻秣千屯馬，

落日飄檣萬軸烏湖海文章原有價河山兵火近無書
江南况是傷心地宋玉悲秋尙索屍

永綏胡十二客九江感寄

一天涼影雁南還人在匡廬杳靄間
颿舫晚雲三楚樹馬前秋雨六朝山
風波遠客眠餐損兵火荒江戰守閒
近得故鄉消息否下游牙纛海門關

江皋寫別

煙水悠悠去恨長無端孤艇出江鄉
客中送別青衫溼酒畔懷人玉筵涼
幾樹疏蟬帶微雨一湖秋水近斜陽

故屍近說風光好垂柳絲絲已著霜

舟出吳淞

蓮涇北去雨冥冥向晚孤颿更不停滿渚雁聲沙水白
隔江龍氣海天青三秋土著屯新卒十室人煙近驛亭
已報王師東失地夜來蘆管忍堪聽

前江

獵獵高颿十里飛畏寒遙指酒家旂千山紅樹風霜冷
萬頃黃禾雁鶩肥客裏登臺元九日人間卧病又斜暉
荆榛滿地聞哀角怕向前江暮駐騑

京口歸舟作

烽火殘年催暮景，關河勝地入扁舟。
三山雲水鐙前夢，六代樓臺篴裏愁。
當日朦朧迴魏帝，何時旌蓋駐蕭侯。
不堪龍虎興亡地，長伴鼃鼃日夜流。

桃花

水暖清江鴨鴨鳴，竹橫花逗數枝低。
三春倩影畱人面，半里餘香付馬蹏。
宋院屐拖新雨後，秦淮櫂返夕陽西。
閨中畏見紅紛落，一色春衣翦未齊。

杏花

十里東風宋玉牆連朝春色雨聲長小樓一夜夢初醒
屋角數枝紅欲香送別依依畱過客含愁淡淡倚牖妝
春歸未去花開落人在江南空斷腸

太艮寓齋春懷二首

薰風戰鼓接朱明十萬鳴弦列虜營黃海拓疆蜚子國
赤嵌焦土駱人城孝寬豈有偷生客蕭勃曾無弭亂兵
東望義旗山卅六依稀民社有英聲

亂峰如劍挾飛瀧赤日龍鼉避石砭地據山河爭組練
天開閩粵下旌幢棄梁誰是收吳土思宋猶能守塾江

通鑑胡三省注我朝自紹定失蜀彭大雅城渝尺地且
爲制府支持西蜀且四十年渝古墊江之地也
休論得失將軍報國豈生降

乙未藤邨題壁八首

暑雨浪浪下瀨舟書來六月古王州
遼兒鐵鷁新提旅
漢卒金貂盡拜侯
七種當年窺韎鞬
中山何日縣琉球
出門東笑童男女
尺島何曾有九洲

牙山近說不能兵
江上燉臺火徹明
專使已歸龍市舶

上海縣志東接諸番惟日本最近
宋元間貢使往來皆由青龍市舶司
大軍猶駐馬韓城

長庚星變占番土
豎亥天縉媿上卿
千載覆舟文虎地

淒涼重見水師行

急裝袴褶氣騰驤
百尺雄城戰守長
燕土奇兵思北道
中原死士望南塘
誰呼長鬣餘艤隊
已渡輕舟驃騎航
曾否孫歆傳露布
諸公謀國費平章

九都南去幾當關
五將疲師蜀道難
船檣鴛鴦雲出海
軍聲鵝鵲雪連山
元戎坐甲生難戰
國士搴旗死不還
平壤三更烽似雨
中秋筵上血斑斑

東邊根本莫教搖
鳳岳金巖路萬條
徼漢已聞姦趙信
出關誰起老班超
城官貫死難回洛
閩將輿尸各渡遼

無數良家鞞塚苦朔風猶度美人簫

旅順蒼茫接虜氛燕齊門戶勢終分樓臺夜氣鯨邊海
鼓角山堦馬上雲築壘岑彭虛重地望旗張象痛諸軍
上游況是津沽險誰使金縑曳戰裙

嶠國虛聲突厥牙渾河北望水無涯江濤白馬三千里
埃火黃龍十萬家大夏星辰初入塞孤軍刀斗急量沙
巫閭夜哭聞私祭未見功成骨似麻

油幢畫戟小戎車日調黃金御府儲化鶴行間空部伍
爛羊關內任吹噓圍棋賓客開遊墅緩帶江山草羽書

晉室已頌哀痛詔鄢陵諸庾近何如

邑城西山

雉堞臨空畫角哀登臨寒食漫相催江光帶雨盤城出
塔影如雲渡水來故國有山容酹酒中原無地不飛埃
濛濛日暮神靈雨彷彿當年萬馬迴

石湖登樓

春雁蕭蕭江上林風煙滿地入登臨防兵埤堠斜陽冷
海客樓臺遠水陰鮫室頻年機杼盡龍城

桂林府地名

萬戶

草萊深憑高欲雪蒼生淚未識東南大吏心

諸將五首

草間偷活半公卿，又倒劉公島上旌。
降敵李陵終負漢，渡河宗澤尙屯兵。
黃金間趙中人賄，白馬呼韓兩國盟。
遺恨千秋丁謂輩，樓船嗚咽水聲聲。

新年牧馬已成羣，飛騎京津備虜氛。
漢將驃姚參內閫，唐宮龍武屬親軍。
大旗冷帶重關雨，孤角平沈萬帳雲。
無復牛車都下賣，南遷官眷似星分。

蒼茫被髮向人間，三道誰堪守百蠻。
蛋月夜寒狐嘯野，礮雲春毒虎蹲山。
衙兵被酒眠金甲，營妓徵歌舞黛鬟。

是否當年彭司馬五千貂錦駐江關

臺灣莽莽七鯤洋此地終成割據場五夜燒雲山鬼火
十年窺島水仙航洗兵魚海星辰黑秣馬鯨池組練光
安得椎牛三十嶼將才重見咸南塘

遼陽懸鼓有邊才一蹶田莊事又灰奸細變名航海去
書生扶義出關來荒山野哭新殘壘落日彝歌故節臺
稍喜陪京門兩扇摩天不許萬夫開

同作

同邑 黃純熙 晦聞

莽莽青州鼓角悲東方何事動藩籬紆邊未使依疏

勒按劍徒聞討邳支豈昧安危關大局竟難功罪論
當時降書誰委劉公島橫海雄風百萬師

極天風鶴到澎湖漫說炎州小一隅嶺海春深邊信
急臺城秋老大軍孤八閩地險今何恃七道邊防敵
不虞依舊嶼分三十六義軍猶欲殺□□

聞道遼陽逼海氛天戈倏止重修文詎無殺賊關西
將不盡如兒霸上軍五利昔猶卑魏絳一人誰爲怒
朱雲東風受吏諸公力愿鼓先聲待策勳

箕封藩屬改盟新藐爾蜻蜓小國鄰回紇徵兵憂互

市司農籌幣重捐緡海濱貢雉知何日湖上騎驢憶
古人太息五洲成戰局青山無地駐閒身

家壯節公殉國詩索家兄和

北來飛渡一軍驚鴨綠江頭掣巨鯨滄海無波隨伍員
乾坤何島葬田橫如聞裹革邊臣哭不解降書水將盟
夜夜元菟前塞月西風蒼兕誓師聲

寄淞濱諸友

極天旌帳暑雲蒸大境園林憶舊登海內已經名士輩
市中誰識酒人朋寶刀十隊星隨馬銀甲雙行地而鐙

回首平生文字飲不堪重與問崔陵

夜登拱北樓

片石荒山填寂寞層城雙闕峙滄溟一江鐙火秋無月
萬井樓臺夜有星青海殘軍移節鉞廣州奇道下輜輶
千年歷歷銅龍轉嗚咽人間未忍聽

光孝寺

碧照禪堂古木青乾亨鐘唄佛無靈涼風烏拜金幡座
夜雨人挖鐵塔銘地閱帝王餘霸氣江流今古見殘星
銷沈一角煙花土倚遍丹臺望楚冥

光孝劉氏時爲乾亨寺故僧云前寺

門臨江與海幢隔岸相望
今則去江數里矣

有憶

菰米沈雲水百尋當年團柳恣登臨
橫塘細雨歸舟遠小閣殘陽落葉深
澤國三秋天在水光陰九日病兼吟
而今獨向蠻邨卧短髮臨風思不禁

汲水門

汲水門邊萬仞山嵯峨水色白雲間
星辰北極三千里滄海東開第一關
銅柱雄邊流馬戶金錢內市款駟蠻
茫茫古月磨刀嶺不聽驚濤鬢已斑

謝翱墓

楓林鬼唱賣魚灣
九死將軍敗屨還
朱噉魂招文相塔
金牛心戀趙家山
冬青引斷悲航海
如意光寒憶叩關
空唱平元碧孃曲
六幽遺骨落花間

廣州城樓

山色陰陰北郭牆
西風城苑大荒涼
滄江鼓角來秋雨
遠水飄檣下夕陽
五管關河供蟀鬪
十年邊府渡龍驤
只今父老談朱異
灑酒南樓舊戰場

含碧樓夜坐

丹鳳城南百尺樓占星五夜看吳鉤烏飛白露珠江冷
雁叫燕支玉塞秋作客千金隗子駿憂時三峽杜公舟
關西苦憶諸年少走馬紅沙未白頭

寄董生長江客次

蕭瑟新亭老淚傾過江名士晉東京霜天酒被丹陽市
雨夜詩題白下城鐵鎖寒潮三國戍青山戰壘六朝兵
陳登湖海今猶在戎馬頻年俠氣平

倚樓

木棉紅落漢皇州雲物淒清獨倚樓山色近連羊石雨

雁聲寒入虎門秋
春江別酒風花路
夜火歸人杜若洲
如此江山雙白眼
金潏天遠水悠悠

寄賁禺蘇龍溪先生上海

嫋嫋天風鎮海樓
冥冥雲月武王州
干戈紫澥鼉鼉夜
九塞青山鳥鼠秋
賢路功名輸上策
故園心事入扁舟
竭來阜帽春申浦
憶否平生馬少游

粵臺感秋四首

風起滄溟夜氣清
鶯花殘壘帝王京
徂東地入濤神國
直北星分浪子兵
燕國才名虛駿市
中原心事動雞鳴

登高我有新亭恨肯爲悲秋淚滿纓

藜牀鐙火怨秋期休奏彝賓引一支庾信賦哀南牧後
杜陵吟感北征時雕盤銅柱蒼波壯雁度珠厓白露遲
寥落湖湘諸部盡已聞彭祖借西師

黃河涼水赤嵌煙兩處寒灰望復燃埃火夜明那壩海
隄雲秋接武功天南山射石思飛將上黨談兵壯少年
只是昭陵無路哭滄江疲馬獨憂邊

秋光海上照旗縫敝室蒼涼負郭墉關塞孤懸千里戍
霜天寒落一城鐘霸才白首慚捫蝨名士青山憶卧龍

况道東南輸輓盡算緡猶急大司農

厓山行六首

王氣煙銷憶武林兩厓雲雨晝陰陰胡塵幸免青衣辱
仙馭猶聞玉璽沈燕市嘯鵑君已去吳峰立馬虜初臨
顏垣冷落慈元廟回首中原淚滿襟

當日偷安痛式微銷鍋半壁浙江圻王孫稱姪仇何在
宰相臨戎事已非漢水上游南牧伺錢塘宵漲北軍飛
淒涼葛嶺殘燈火曾送金輿夜出圍

秀山遂從去蒼黃四廣三閩讖語傷島寺行宮餘二帝

泉州血刃惜諸王授經尙講舟中學設鎮誰籌海外防
滿地白翎行不得鷓鴣聲急望家鄉

扁舟殘卒擁黃袍行殿飄搖濁浪高忠勇迎降元組練
零丁失利宋旌旄金牛山下秋唳鳥朱雀旗南夜落濤
此去桐州軍似墨五更風雨避征舸

餘生求地問占城井澳烽傳敵騎橫顧命空憐賢太后
遷都難復小朝廷紅羊劫換三分國白雁聲來四道兵
太息膠舟沈落處琴彈破寺水聲聲

絕嶠開邊第一關國亡無計款金鰲櫟弓大將旗飄白

杖節孤臣袖血斑
牛角山河悲出遜
龍髯滄海夢生還
年年嗚咽三霄浪
王母靈風想像間
趙氏子孫謂祭廟
先三夜每聞海聲
蓋忠意所感也

初七夜

海寺疏鐘思悄然
迢迢銀浦接殘煙
四更人破誰家籬
一水相思獨客船
初月鵝潭橫渡火
新風雁背小涼天
紅牋怕讀閨人信
金線光陰近兩年

聞歌

鐵篴江湖夜五更
秋風殘酒趙陀城
月明珠海人如夢

天遠瓊樓涕易傾。白傳琵琶驚賈婦。杜陵絃管感花卿。
洮河況是西征急。莫作伊涼變徵聲。

城東二首

流花津水古今流。津上花橋橋上樓。九五珠鞍歸古汴。
一雙金塔鎮交州。宮斜暮雨悲寒食。月榭朝雲憶勝遊。
賸有漁人晚歸櫂。蕭條鐙火舊時秋。

朱鳶城闕鬱嵒堯。鬼國三年劫火銷。反覆滇池通孟獲。
綢繆蠻海盜任囂。宮花春瘴檳榔雨。壘石寒濤玳瑁潮。
萬里天書九重使。高臺何處奉天朝。

鎮海樓懷彭司馬

高樓帝子去無還五百年來倚漢關向日虎門屯大海
早時龍節弔青山南人死士三元里北道防軍六姓蠻
嶺外只今能戰守和戎司馬淚先斑

回變

暑炎遼海徹師還霜月金城戰血斑五道邊聲馳羽檄
三軍生氣怯刀環固原舊設東西衛榆谷秋連大小山
報道征西回鵲急朔風吹徧玉門關

苦雨

魚珠南漲夜雲屯苦雨青楓江水渾大野煙塵殘歲盡
中興耆舊幾人存兩河寇盜思忠簡三國邊人泣次孫
鹿逐關山鳶跼海昆皮古國又乾坤

春柳四首

離宮一片色青青時節芳菲絮化萍新月馬頭南北堠
曉風鶯語短長亭西施去國顰空效蘇小無家夢已醒
囑咐吳江春莫渡恐驚樓上小娉婷

柔絲披拂水西頭江北江南紀昔遊三疊可憐橋送別
一春無那館忘憂綠經燕子來時雨人繫桃花浪裏舟

又是漫天飛絮影玉關夫壻未封侯

橫簾聲催故國春江城黃糝一番新疏煙津渡濛濛樹
薄霽陂塘濯濯塵司馬北征曾有淚永豐西角已無人
風流當日靈和殿麋黛還應記不真

纏綿生性本多姿况有東君爲主持斜照綠藏詩客騎
小樓青出酒家旗飛花如夢三春後流水無情六代時
想到武昌微雨夜湖天何處唱楊枝

浦江寒食答實君

浦口桃花萬片殘東風吹向馬前看孤城落日臨江小

一雨清明近海寒家國無人持祭掃水鄉久別話平安
淒淒縣上龍蛇曲歸去高歌劍獨彈

溫州口望海

四更撾鼓跂濤頭水手沿洄一粟舟天外雲霞常似雨
島中煙火不成洲連山潮湧魚排仗徹夜波明蜃起樓
此去浪花三十萬冷煙春雪是溫州

金門

橫海東來策白黿金門莽莽海雲顛荒山萬古無人闢
濁浪千尋有鱷眠水影到天全失地風聲吹日欲爲煙

極東不見琉球國一片空青落我前

銅檣

銅檣鐵鹿指江東四顧蒼茫喚碧翁金鳥翅遮天宇黑
大魚涎上海波紅羲娥平走衣邊影星斗低搖水上風
欲問臺灣何處是兩峯旗鼓雨濛濛

過汕頭

祖洲神女絳珠鬟招手樓船下百蠻水到極南容變黑
人經滄海淚成殷蛟龍吸浪行春雨玳瑁乘潮上亂山
幾日低吟長伏枕翠幃香被夢先還

九星洋

香江南遶九星洋
麝栗鳴鳴海宇涼
雲氣亂堆蠓鏡黑
日光斜入虎門黃
叢山虺蜴春藏癘
俚洞樓臺古設防
頻首南天誰割地
銅琶鐵板話滄桑

樓艚

金星門外雨陰陰
樓艚迢遙逝水沈
鶯栗花船人入市
葡萄酒國地租金
降颿鐵鎖經龍戰
古國荒城付鳥吟
互市至今悲檔案
爲戎誰動百年心

丙申春興五首

萬里春風市舶來東趨天府百蠻開通吳欲問交州部
朝漢爭傳大長臺海上屠鯨虛國士橋南栖鳳老奇才
近聞西瀟籌邊策禁邸干時有別裁

三年牛馬走仙城國事江湖百感并絲竹東山名宰相
干戈南渡故蒼生歲緡悉索愁中使仗節投降勸子卿
從古咸潼天府地徙都誰請六龍行

漉酒春山醉問天鵲唳滄海思緜緜將軍甲第頌哀祭
御史重洋泣諫牋東洛恐成鉤黨獄西園誰罷鬻官錢
銀槍鐵桿三千士昨報征回夜出燕

春深班馬接邊聲戎索星占玉塞兵海外公孫方遠略
關中皇甫尙專征羊頭爭擬侯封爵魚爛曾憂寇聚盟
萬騎夜窺青海戍將軍眞否亞夫營

長途車軌徧斜暉瞬息分馳似疾飛誰向伊川哀被髮
卻教織室歎燔機武陵置酒人休醉瀛海求仙客未歸
慷慨徒戎江洗馬永嘉開國壯心違

讀書草堂題壁二首

百年回首望神京赤手誰能掣巨鯨周顗楚囚餘涕淚
劉蕡風漢幾功名宋人歌舞安中業晉室江山盼北征

太息杜陵憂國意花門畱騎尙縱橫

候火鰕彝斥堠收籌邊急徙北原樓長城道濟思耆將
高閣深源惜故侯偏伍魚麗番土隴滄溟龍節使臣舟
草堂風雨論兵夜夢繞燕雲十六州

邊上曲

三邊月暈黑連環白馬氏羌夜遁還金塔堡前雲出塞
鐵門關外火臨山胡中宵飲琵琶壯磧裏秋征劍戟閒
何日輕車天子詔龍城飛將老紅顏

時亂回
外竄

放言

風雨高吟兩鬢塵閉門敢已定千春花邨事業虛耆舊
獨漉文章見苦辛滿地江湖餘我輩百年河嶽幾詩人
古賢遺直今寥落香草誰家著意新

春日寄金陵幕府董生

東風滿地杜鵑開一筵懷人譜八哀鐵板關西新樂府
生工詩詞牙旗江左大行臺牂牁地說朱厓棄時開界梧州突厥

兵聞黑海回已息土兵事昨夢與君同出塞邊霜敲馬白狼

堆

九江書事二首九江南海鄉名

南臺北省舊仙曹一夕臨江掛戰袍
少主人間歸斧鉞孤臣地上建旌旄
雞豚古廟巫歌冷草木荒山鬼哭高
落日悲聲天外起焚香空弔海陵濤

牂牁江水抱南天江上聞風憶大賢
三晉地爭防守日一官人切去思年
崔陳以降斯文在漢宋無分大義先
我幸朱門私淑者依稀碩果道東傳

九日寫意

舊雪新袍路四千迢迢香國玉生煙
春人綠酒淞江曲暮雨紅棉瘴海船
文字三年天試士雲山五嶺地行仙

越樓兩度登高會獨把茱萸黯自憐

卧病

寒城兵食久侵尋卧病江關自閉林
近海荒涼時斷酒
登高孤迥易聞砧殘邨橘柚人煙晚
故國梧桐暮雨深
消息歸鴻近無據虎門潮信昨宵沈

漫賦二首

平沙飛雁上重城蕩蕩浮雲西北橫
千代園陵畱晚照
九秋山海壯風聲人間島憶遊仙客
天上星聞處士名
何若殷州驅馬去素箏濁酒話生平

閒來湖上獨騎驢白面談邊百不如後日名心輕狗監
旁人意氣動狼胥黃壚嵇阮餘殘酒魏苑應劉有故書
莫向文人哀末路敝廬四海尙容尻

與友人夜談

鬱鬱殘煙大虎頭夜潮聲動粵山秋愛時未上劉蕡策
去國誰同郭泰舟稷下宮無齊貯士邸西官有漢封侯
雕龍炙輠今無數市上何人識馬周

小雅樓詩集卷五終

小雅樓詩集卷六

順德 鄧 方 秋門著

七言律詩

海上春懷四首和實君

鴛鴦樓閣鷓鴣天
海上彝歌樂府篇
歧路河山逢故友
殊方花鳥入新年
封侯燕頤今何用
妒女蛾麋劇可憐
我愛東山謝安石
滿堂絲竹卻苻堅

冀馬燕犀靜兩京
南天畫粥尙儒生
六條魏苑奇蘇綽
一賦長門病長卿
避地神仙金馬署
傭書賓客錦官城

依然車庫平津館千載淒涼泣玉聲

南溟送客百花橋翡翠明珠信寂寥海外迴文曾粉黛
人間感事有笙簫讒書未著三千櫝盲史誰彈廿四朝

醉拍闌干春萬里長安西笑又魂銷

是年將赴京兆試

白袷傷春卧海槎銷除豪氣聽琵琶綠波南浦迢迢水
紅豆東風豔豔花大樹將軍歌出塞小園開府賦思家
丁年馬上能經畧多恐哀時鬢易華

原作

鄧 實

江干楊柳綠垂絲誰倚空城遂一枝異國風煙寒食

後孤臣氣味落花時江郎舊作銷魂賦伯玉新吟感
遇詩太息年來苦流落殘春鼓角不勝悲

閉門書帙坐無聊咫尺家山望轉遙病酒光陰春似
海怯寒簾幕夢如潮黑貂裘恐長遊敝駿馬圖休沒
骨描又是江南芳草綠王孫歸去正魂銷

尺八紅簫尺五天人生能幾此華年江湖我輩仍詩
酒樓閣何人日管絃故國青山銅作柱舊遊滄海玉
生煙向來捫蝨輕王猛皓首功名自可憐

白袷青衫憶少遊此生燕領媿封侯才華草草虛名

士人海茫茫只濁流憂國杜陵悲入蜀依人王粲故
登樓百年世事多奇變爭戰今聞五大洲

楚火

楚火連檣下帝京大江無數鐵枝橫山圍故國南朝小
酒釀兵厨北府清歸雁斜飛瓜步月落潮幽咽蔣州城
景陽又是樓鐘動霸氣潛銷是此聲

臨江徐氏樓晚眺

珠簾繡柱對沙鷗絕好芙蓉淥水洲海色秋搖萬戶動
星辰夜湧一江流山邱華屋悲黃土鐙火河橋夢玉鈎

淘盡一城兒女恨寒潮如注繞高樓

十樓詩

積雨海上秋將老矣閉門而月索尻寡歡閱元人十
臺之詩乃作此篇以排冗悶

白帝樓

永安宮樹晚栖鴉六尺遺孤哭漢家古壘烏蛇懸八敵
降王牛馬走三巴竟容魏主陳干羽不管夫人怨琵琶
戰火號亭紅不盡長江秋老角聲斜

景陽樓

五更妝點望金莖齊向雞鳴埭口行一代君王多好色
六宮燈火不知兵霜飛鳳閣晨留輦月照龍衣夜出城
愁絕隔江催戰急內人猶是聽鐘聲

北顧樓

西風塔廟水浪浪梁武雄心撫八荒第一峯頭人立馬
十三州地海生桑青宮骨月開戎首寶座山河送羯羌
多少君王輿櫬出白頭阿監話沙場

齊雲樓

渭水東流燕子飛君臣相顧涕沾衣珠簾畫棟飄秋雨

玉帳金車怨夕暉三輔鶯花空有夢十王龍種竟無歸
誰憐日日歌菩薩諸鎮兵纏未解圍

梳妝樓

遼家妝閣壓乾河聞說當年校獵過灰洞從戎尋紫塞
齊宮保母笑黃羅鴛鴦萬瓦瀟瀟雨粉黛千人悲悲歌
畏過玉盆灣口望殘金堆裏走春駝

閱江樓

高皇樓觀落霞邊傑構崔嵬五百年萬馬中流奔皖楚
六龍一去渺雲天興王初見君南渡靖難誰知國北遷

回首獅山軍十萬廢營秋草牧人眠

太白樓

辦香樓上拜先生大筆長袍絕代名一曲謗成高力士
千秋心愛謝宣城王孫兵革微臣誤詩史文章此席爭
我欲鑄金同賈島懷鉛便向皖江行

籌邊樓

將軍橫槊鎮巴氏銀戛金沙萬嶺低黨錮已分南北部
關防休斷熟生黎百蠻道路青天上下兩壁山川大夏西
惆悵潮州司馬去楊家節度又征鼙

岳陽樓

龍圖旌節舊經過
舉目燕雲涕泗沱
天下當時憂樂大
胷中此老甲兵多
高風雁鷺羣山雨
落日蛟龍萬古波
傳得東南吳楚句
孤舟杜甫近如何

媚香樓

秦淮商女十三絃
一角高樓韻事傳
白首未能隨玉局
黃金難得絕韓嫣
入宮恩愛蛾麋色
亡國風流燕子牋
八代帝王誰記憶
千秋名字讓欒鈿

計偕北上

苦將文字換青春聽到驪歌便愴神
結髮屢經關外戰細腰猶學國中人
賣金鬱鬱長門賦如玉明明處子身
底事長安飢索米又隨仙去落紅塵

舟中醉題

掉首樓船天上關蓬萊半在有無閒
腥風滿島鱷夜徙驟雨一川龍晝還
醉倚吳歌思上海卧乘大舸過茶山
苦聞黑水多風浪滄酒無因得解顏

大沽口四首

鬱鬱人煙徐市城舳艫登眺暮雲平
重關落照來邊隼

一海涼星嘯夜鯨習戰旌旛西將隊和番繒帛上公盟
淮軍白首聞吹篳半是遼陽徹後兵

英彝鼙鼓動天驕紉嶼何年燒火銷致敵罪難逃衛律
籌邊功尙詔文饒江頭鐵礮埋秋草島上銅船落暮潮
欲譜黑河秋雨引遺弓湖上不堪招

百萬黃金又築邊北塘形勢控幽燕濤聲曉靜諸番屋
海色秋寒萬竈煙轉漕未聞開水利休兵誰解議屯田
十年枉費籌陰雨蜃蛤樓臺哭暮天

臺防橫峙白沙聞西去河流九十灣海水蒼茫人酹酒

天風浩蕩月臨關綠波春夢驚潭浦紅柳秋陰馬谷山
獨倚船樓一長嘯屠蛟歸去洗刀環

津門旅店題壁二首

深宵無夢渡零丁南望山亭復水亭千里幾時通尺素
兩人各地拜雙星可曾任氣黃衫誤長爲悲秋玉遽停
消息誰通青鳥使蓬萊舊路記重經

江天無際水生波山色陰沈太史河北道黃花征客驛
西風紅豆美人歌重關馬色迎寒蚤古堞鴉聲向晚多
此日已無屠狗輩匣中孤劍自家磨

長安雜感十四首

槐黃騎馬到三河
滹水龍吟夜始波
秋色蕭蕭仍異國
青天浩浩獨高歌
平沙大漠盤雕隼
廢殿枯陵卧駱駝
倚劍樓頭一杯酒
鳳城今日五雲多

承平光景滿長安
四姓交遊盡結歡
壯士寶刀晨奉轡
豪家金犢夜探丸
煙花庭院三分月
鶯燕樓臺九品官
自笑詩人太牢落
茂陵卧雨一秋寒

不見江東泣楚囚
諸公肉食且無愁
從容痛飲將焚屋
宛轉清歌已漏舟
應有韜鈴傳蟋蟀
盃漫無封事問雞籌

忘家近日誰驍騎并服駢環五大洲

中原星已墮長庚新政而今議上京漫說單于朝渭水
誰令屬國置金城句驪已定稱王計回鶻終憂互市盟
從此大江風葉冷傷心南渡不能兵

青霄使節拂崆峒四國蒼黃走玉驄西蜀開山人市鐵
南方畫地柱標銅琵琶美酒將軍雅翡翠明珠異域空
莫喜歐洲無牧馬檳榔花發十年紅

一編小雅淚痕斑傳箭從來說賽山旌節花開金聚國
筐箱馬入玉門關拓邊趙武初胡服閉塞中行久漢姦

盛事曾傳三保監金銀飛舶幾時還

東邊諸省兀金墉百戰初銷苜蓿烽自昔宋輸三萬疋
幾曾秦致一雙龍九州民力征徭困兩載彝綰悉索供
築路又聞商密約行人誰是屈狐庸

侍子京師上館開 殿廷西學切求才伍胥只爲荊仇
用段匹休從敵國來琴筑人間屠狗市詔書江上釣魚
臺終憐落拓吳門卒滾滾龍蛇滿日哀

橫鞭昨出古沙場斷隘戈頭積血黃百戰山河半墟墓
五朝兵火幾君王雕龍城郭添秋草獨鹿臺墮入曉霜

太息前人多失策廣甯誰棄外邊防

古王州亦水瀟瀟金爵朝霞久寂寥宮瓦易魚南海戶
陵薪換餅壽山樵鶯花話舊張三影詞賦哀時郭四朝
畏過永和宮外路冷煙新月鬼吹簫

有人回首哭重華憶昔圓明入鼓笳一戰漫爭秦地鹿
清歌終勝後庭花上都倉卒危魚服諸將逍遙駐虎牙
千古平城有遺恨秋風戰艦五條沙

晚煙飛雁滿前川作客思家倍可憐砂壘重城蒙古月
清霜老木薊門天夢尋紫邏蠕蠕塞身號青山僕僕仙

鹽米光陰愁欲劇天涯何地不金錢

雄關北口七十二萬里秋風吹敝裘白日寒濤流易水
黃塵羯鼓下瀛州入都言事三千牘出塞雄心丈八矛
我欲漸離同結屋督亢陰雨四山秋

今昔蒼茫幾局棋長吟京國不堪悲酒泉未可依疏勒
青海終當斬郅支金粉六朝才子賦江河半壁上公旗
臺灣一歲無消息恢復人間望水師

郭外登樓二首

長隄榆柳自紛紛白眼登高酒半醺西嶺雨斜龍掛影

故宮風響馬歸羣秋深易灑中原淚地險曾屯五代軍
何處呼鷹閒騎士角聲吹起一山雲

滹沱落日大河鳴倚劍高歌猛虎行媿我黑貂真有負
看人銅馬已成名漫傾千日中山酒猶說殘唐澤潞兵
此日北門虛卧鎮胡雛倚嘯上東城

晚眺

帝王城闕醉中登晚色瞢騰未上鐙疏雨酒旂雙隻埃
夕陽牛遂十三陵東南孔雀飛飛去西北高樓渺渺憑
卻訪玉河從獵手黑雲堆處臂秋鷹

贈人

金臺驅馬帝王墟
肝膽論交見爾初
兩戒山河高骨馬
卅年心血綫裝書
茫茫人海高歌壯
咄咄錢刀作計虛
幸未麻姑白雙鬢
好攜霜鋸斬鯨魚

寓樓獨酌起興二首

莫唱吳儂白紵篇
空江獨酌思纏綿
堂堂白日新絲鬢
寂寂朱門舊管絃
坡老未醒春後夢
李生羣笑酒中仙
問誰東霸城邊過
銅狄曾看五百年

小樓殘火五更天
觸忤閒愁到枕邊
壯士入關猶負畚

全家流寓已租船銀河水冷秋飛雁瓊海風高夜墮鳶
畫角聲聲成太息敝車羸馬又前川

薊門懷古九首

今京師德勝門
即古薊遺址

帝子才人骨作灰又騎老馬踏金臺漸離琴筑稱同調
郭隗功名恥自媒果否客如雞狗養幾曾身入虎狼回
頭顱死上秦皇殿報國唯君志可哀

開稷龍驤亦號燕弟兄金革互爭權高麗拓土標銅柱
江左稱藩奉錦牋流水青山南北國荒城殘壘羯羌年
可憐重應魚羊讖白首人恢半壁天

大安山水鳴鳴惡少空黥定霸都暮晉朝唐悲反覆
弑兄囚父慘吞屠窟頭宮殿埋銅臭俎肉君王竊王符
一著黃衣終曳組幽州千里枉稱孤

契丹車駕紀南征春水秋山

地名

閱送迎北道帝紀愁死

嶺西樓司馬射生兵笙歌巡幸春三月燈火嬉遊魏兩
京回首石郎州十六朔風左袵漢兒城

土木漁陽似畫中觀花忽報錦颿東紙船安可輕南渡
絲甲何曾勁北風未見頭顱歸總統猶聞項羽歎英雄
劉妃金屋休虛想洛水盈盈隔魏宮

白龍遊戲大瑤京曲律遺儲半戰爭高麗美人車絡繹
句吳流寇檄縱橫傳疑兩姓庚申帝罷戍諸王戊己兵
枉費年年開佛會烏號仍促上都城

豹房紅粉已煙銷歌舞童昏話去朝瓦刺和親天子舅
江充專政上公貂南巡早飲長江馬西塞仍盤大漠雕
夫婦行香臣賭酒不堪猶唱太平謠

九門烽火徧黃巾一个曾無戰守臣城內已乘烏駁馬
殿前空見白衣神可憐劍血揮公主難得山頭殉寺人
賸有梅邨好詩句永和諸詠極酸辛

煙籠寒水柳栖鴉滿目興亡庾信嗟殘照屏風詩疊疊
秋江綽板曲家家漁陽軋犂銷金鼓涿郡楊廢憶翠華
話徧開元宮女事江山惆悵落殘花

秋思怵怵書以排悶

禁城磳被雨絲絲愁憶吳孃水調詞多病客尻花欲笑
有情鄉信雁先知黃蘆野戍聞秋角紅燭山樓檢舊詩
一聽馱鈴陽更斷都門風信五更吹

出都門二首和實君

關河無際水流澌對酒扁舟易曉雞三篋文章秋試後

一家湖海暮雲西清霜舊國思鱸膾落葉長安送馬蹏
多少鬱輪袍奏罷侯門如海穩飛栖

登樓一賦倍淒然屈指中秋十九年雨雪孤舟橫槩手
江湖入口賣文錢有情異地花兼月無恙征人食與眠
後有長蛇前猛虎問天何地置青氊

西風

無意西風幾日吹蒹菰猶自誤歸期十年遠塞砧先覺
一夜深閨扇獨知秋到愁潘悲鬢髮病餘瘳沈減腰肢
扁舟江上不歸去惆悵夫君有所思

海上秋懷四首酬實君

飄泊而今竟路歧
西風楊柳綠絲絲
寒江古驛鳴秋柝
細雨空城颺酒旗
白袷尙存慈母綫
青山誰寄草堂貲
料量世味知何似
人海茫茫一局棋

回首樓臺又似煙
舊遊如此好山川
女兒絲竹憑中茂
兄弟楂梨尙少年
故事圖休描馬骨
今生相已薄鳶肩
愁來試問多情月
自有乾坤幾度圓

金井梧桐葉已凋
砧聲不斷思迢迢
人間空說嵇生鳳
客裏應憐季子貂
已去年華虛攬鏡
後來心事漫題橋

綠沈金鎖都拋盡猶有雄心託射雕
金鼓何堪五大洲側身滄海媿無謀一城花月庾開府
兩鬢江山趙倚樓杞國有天支砥柱桃源無路買歸舟
書生空抱憂時意話到東征淚已流

抵家偶書

到門行色尙蒼然矯首遙空浪泊鳶積水魚涎風雨後
荒山龍蛻漢唐年滄城夜載酒百甕黃海月明秋滿船
更脫緇衣與人看車塵十丈杜陵天

過王弢園楊柳樓臺

圍棋邀遂賸前期無復南陳舊總持日飲無何還近婦
天生有福只能詩秋風感舊青溪里暮雨聞歌白石祠
楊柳數株零落盡斷琴彈落淚絲絲

丁酉季冬四首

瓜豆中原竟鬪爭無才敢望約縱橫外彝四叛周中策
滄海橫流晉兩京日食麒麟吟大野風來草木戰邊城
奉天傳詔今何用空望關西感激聲

一角膠州豈瓦全朔風溟渤浪搖天曾聞紫塞來屯馬
忽說金陵報墮鳶中國竟成甌脫地魯人誰返汶陽田

紆邊自有疆臣在不用孤軍淚漲川

高樓終夜拂吳鉤無計邊愁遣得休滾滾江流悲去日
蕭蕭春色到中州賜秦鵲首天何醉分楚鴻溝地不收
惆悵舟山風雨暗又聞千舸駐黃頭

肅慎城高水百尋星宵銀鵲急南侵只知假道盟新約
誰識窺邊動野心青海月明龍出沒錦官花落鳥悲吟
四方靡騁愁堪絕無限東州落日陰

除夕

無聊憂疾感華顛樺燭添寒曉不眠嶺外梅花新別信

淞濱絲竹遠遊天樓臺五夜北斗外煙火三江大雪前
兒女青紅太愁絕且澆殘酒祭詩篇

讀史雜詠四首

雍時頻年太乙祠昆明池水又旌旗碧桃影事東方朔
宛馬雄心李貳師空見樓船通越海未聞仙藥致瑤池
開邊歲歲孤兒骨知否人間有望思

右漢武帝

蓮花貼地麝香飄東冶晨裝嚮麗譙城下羽書催鐵騎
禁中刀敕摠金貂潘妃沾酒花開市趙鬼徵歌月徹宵

何苦六宮齊拜禱蔣侯無計保嬌嬈

右東昏侯

上林飛雁渺秋旻國士何心竟負君蠶室悲涼臣太史
雁門慚媿祖將軍偏師去國隨邊鳥十口移家隔塞雲
千古河梁詩五字獨憐降旆掛斜曛

右李陵

吳楚黃星夜有光支離時局障東方六飛遺恨南遷蹕
四鎮無心北伐航窮海移兵徇弱主怡堂開國痛新王
楊州分閫成何用一角江山弔國殤

右史閣部

太艮春題

鳳城春雨子鶴飛
兵事人間有是非
三峽樓臺淹日月
五陵衣馬自輕肥
蚤知唐土人終老
畏說涼州地不歸
滿目山川供一醉
蠻鄉沈飲夢金微

小雅樓卽事五首

諸將蕭孃尙綺妝
青餅殘壘接蒼茫
誰言石帝聽延廣
爲謝金人罷李綱
白骨更無兵死鬼
赤心安有度支郎
當年天水江山弱
敵國猶聞購表章

天塹淒涼半壁懸直教鋒鏑送華顛過江愁住金陵縣
入洛偏逢白羯年帝子山前猶撲馬孤臣橋下自聞鶻
東風旗纛紛如雨又說紅河渡戰船

鐵甲千羣夜湧潮國中人學阿龍超花開內地春窺海
樹領將軍舊渡遼貢市不來回紇馬沿邊皆珥總戎貂
衣冠近日非蕭衍何用吳翁笑六朝

五夜蝦蟇急鼓籌銅駝無恙露盤秋榻陽風雨悲長別
海水蓬萊見淺流麟趾已開招士閣蛾麋猶舞望仙樓
多時雕面諸年少太息殘陽向帝州

人間橫議沸如羹錯迂冠裳事豈成京邑憂惶無董遇
茂陵涕泣獨蘇卿鬼謀人社終何益星貫天錢未可更
欲作臨江愁思曲一天烽火五羊城

秋日篇

秋風瑟瑟吹江隈白日西行殊未迴鱸魚正美不歸去
瘦馬獨吟真可哀白髮幾人怨遲暮黃塵昨夜生蓬萊
杜陵老子況多病莫放登臨懷抱開

衰柳

新霜風景入愁邊蕭颯柔絲已化煙千樹無情畱去燕

六朝如夢咽清蟬
隋宮颿影空流水
白下歌聲尙暮天
誰是金城桓司馬
數株零落北征年

冬夜偶裁二首

黃雲大野古邊聲
欲賦從軍竟不成
廣武成名徒豎子
徐無歸去有鄉兵
蒼鵝出地占胡象
白馬沈河患黨盟
何日幼安偕北渡
談經眞不問公卿

蕭蕭木葉下崢嶸
海上仙山氣鬱蒸
風雨阮壚千夜酒
關河秦火一篝鐙
登樓洛下桓宣武
思國夔州杜少陵
蟣蝨孤臣江海遠
寸心安得寄觚稜

五言長律

謁曾文正公祠二十韻

一代雲雷會湘中幾大賢時甦多難日勲蓋中興年命
世爛韜略當時盜斧鋌赤麋圖入陝銅馬久窺燕竊據
雄侯景奔亡媿褚淵軍團才不易帷幄節宜專北寇防
魚爛南征仗馬援長江驅組練潯水下樓船忼慨謀諸
將艱難策萬全建瓴爭武漢破竹下山川猿鶴軍無警
魚羊劫莫延萑蒲擒孟獲草木走苻堅遂策三軍力同
收半壁天櫓槍銷盜賊旌蓋望神仙東郡初開府南陽

有賜田雲臺當代績星簡後人編華表歸丁鶴春祠喚
杜鵑文章騷悱惻湘沅地淫縣落日朱絃奏明星玉旆
懸荃蘭思遠採蘋首楚雲邊

謁陳巖野先生祠三十韻

流賊中原局孤臣五嶺兵勤王徇廟社報國死師生馬
渡餘南國龍飛已上京疏原陳賈誼說已薄虞卿顧問
思前席勤勞願請纓萬言虛事業一死矢精誠斷塊臣
堪許嘯天氣未平零丁懷信國書甲謝泉明半壁團師
起孤忠子妄輕門人新部曲義士舊家聲鉅盜恩能結

臨江旅忽傾江門收鷁艦羊石下蜺旌烈烈周郎拒叢
叢李勉營望旂驚鼓噪授策憤垂成中宿烽晨急滇江
水夜鳴漢師乘馬援齊島避田橫聞遂師增氣吹笳士
恥盟百樓長社令三版晉陽城人豈存亡論天難厯數
爭睢陽悲嚙齒韋粲憤填膺嶠士推三烈祠官奠兩楹
烏衣迷舊巷馬鬣識新塋帝子重華怨天兵上國征堂
皇崇廟典泣祭到衢氓舊劍依魂魄殘書述性情春雲
沈紫碣曉日照雕甍義播生徒傳詩垂孝子名堂廡神
鬼肅歌曲歲時賡緬甸沈金狄昆池動石鯨雪聲堂外

月遺恨照南瀛

謁簡岸三忠祠十二韻

燭火明南渡妖星動北宸河山孤注小正朔七更新節
鉞徵師日宮車去國辰讖終移典午志自矢艱辛復辟
思溫嶠臨危慕庾珉宋纍燕市獄精衛海陵人塊肉隨
孤主攀髯殉老臣犀軍航甲子龍馭勸庚申問俗開鄉
績勤王簡岸濱金莖晨有氣碧海夜無燐墮壁生雷雨
虛堂護鬼神偏安懷幣事流涕向胡塵

小雅樓詩集卷六終







